



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Rivales feminarum.

[urn:nbn:de:hbz:466:1-68709](#)

tia est, non iniuria, si plusculum quid feminis permititur & defertur; Nescit, quid decus sit, qui dedecus, ex emulatione cum tunicata hæc gente, accepisse se putat.

IV. (d) Gloriam virtutis suæ Meleager Atalantæ transcripsit, & rivales concitavit. Mira res! quod viri suos triumphos in mulierculas referant, & trophæa ex arundine suspendant. Et quid aliud eveniat inde, quam ut illæ caligatæ, gladiatæ, galeatæ, cristatæ incedant? Quid feminæ cum aprorum exuvijs? Hoc est, quod sexum hunc fercem reddit; quod Atalantas in tumorem dat, & vultus, ne Herculi quidem sustinendos, tunc præsertim, cum Deianiræ, colum ducere coepit. Et quoties pro formosiore paulò juvencula rivalium concurrunt gladij in pugnas, vulnera, cædes. Pudendum, quod etiam heroës, qualis Meleager fuit, in hanc servitutem degenerent! Pro Briseide, Lymessia puella captiva, quantas inimicitias suscepérunt Achilles & Agamemnon?

Pro Lavinia, Latini regis filia, quas strages ediderunt Turnus & Æneas? Meleagrum, si verum fateri velimus, non tam fatalis Parcarum torris igne crematus, quam ardenter in Atalantam amor combussit.

V. (e) Althæa, quid magis impium? ut fratres ulcisceretur, suum ipsa filium perdidit. Deinde saga fuit, magicis artibus in proprium sanguinem grassata. Tertiò, cum ignis igne fuissest plectendus, & venefica rogo comburenda, prævenit carnificem, & violentas sibi manus intulit:

Nam de matre manus diri sibi conscientia facti
Exegit poenas, acto per visera ferro.

VI. (f) Althæa Meleagrum parienti apparuerunt in regia Paræ, quæ fata infantis ita ediderunt. Clotho dixit, eum generosum futurum: *Lachesis fortæ; Atropos titionem ardente aspexit in foco, & ait: Tamdiu hic vivet, quamdiu titio hic non fuerit consumptus.* Hoc Althæa mater auditò, exiliit de lecto, atque titionem extinxit, eumque in medio regiæ loco, obruit terræ, ne ab igne invadcretur. Eum deinde torrem ob fratres imperfectos protraxit, igni imposuit, & cum conflagrante, vitam filij extinxit. Hoe solent devote Tartaro Canidiæ & sigillis cereis, laneis, cretaceis, luteis exercent veneficia. Ita pharmaceutria apud Maronem eclog. 8. loquitur, & agit:

Limus ut hie durescit, & hæc ut cera liquefcit
Uno, eodemque igni: sic noster Daphnis amore.

H h 2^o

De

(d) Rivales seminarum. (e) Sagarmum malitia. (f) Incanagamenta luxuria.